

## توهن بري تاهو چارا حال المسيح دالم ڪتاب ۲ هق توروون بلوم فد المسيح لاهير لاکي

1 توهن بري تاهو دولو کا دق، کات  
المسيح نق جادي ڪتوروون هق سياف؟

ڪتاب ۲ سوچي هق توروون ده بلوم فد المسيح لاهير کا دنيا  
لاکي، اداله تورات، زبور، دان ڪتاب ۲ هق نبي ۲ دولو. توجوان  
کيت مڃاجي اين، نق بوليه فريقسا سيکيت فرکارا ۲ هق توهن بري  
تاهو دالم ڪتاب ۲ ايت چارا حال جوړو سلامت هق توهن چادغ ده  
انتوق مائسي، يائيت عيسيٰ هق جادي المسيح.

هق توهن رويت چارا حال لمسيح دالم ڪتاب ۲ ايت، کادغ ۲  
کيت نمفق کات کورغ چرف، اتوا بوليه فهم مقصود کو دوا جالن.  
تافي، افيل کيت باچ چارا حال المسيح دالم انجيل، باروله فرکارا ۲  
هق دولو کات دالم، چرف ده.

مولا ۲ کيت نق فريقسا تيغوق هق توهن بري تاهو چارا حال  
بيلاغن توئينيق جوړو سلامت هق توهن رويت کات نق ماري بري  
مائسي سلامت درفد کواس ايبليس.

توهن بري تاهو دولو کا دق کات جوړو سلامت، اتوا  
المسيح، ايت نق جادي ڪتوروون هق سياف؟

کيت نق باچ دولو هق توهن بري تاهو دالم انجيل، سورت  
متيوس، دان سورت لوقس جوکڌ. لفس فد ايت، کيت نق فريقسا  
تيغوق هق توهن بري تاهو دالم ڪتاب ۲ هق دي توروون بلوم فد  
المسيح لاهير کا دنيا لاکي.

\*\*\*\*\*

## بیلاغن تو نینیق عیسی المسیح

\*\*\*\*\*

### 1. بچاله انجیل سورت متیوس 1:1-16 دباوه این.

1 اینیله بیلاغن تو نینیق هق عیسی المسیح، هق  
تورون درفد ابراهیم هیثک سمفی کا داؤد، تورون  
لاکی سمفی کا عیسی.

2 - 6 ابرهیم ایت ایه اسحاق. اسحاق ایت ایه  
یعقوب. یعقوب ایت ایه یهودا دغن ادیق ۲ دی. ۳  
یهودا ایت فون دغن بینی دی تامر جادی ایه دوا  
اورغ هق نام فیریس دغن زارا. فیریس ایت فون ایه  
حیصرون. ۴ فون ایه ارم. ارم ایت ایه فد امینادب.  
۵ امینادب ایت فون ایه نحشون. نحشون ایه  
سلمون. سلمون ایت دغن بینی دی راحب جادی ایه  
بواص. بواص فون دغن بینی دی نام روت جادی ایه  
عوبید. عوبید ایت فون ایه جسی. ۶ جسی تو فون  
ایه راج داؤد. راج داؤد تو فون ایه سلیمان، هق  
مق دی ایت، بکس بینی عوریوس ایت.

7 - 16 لفس ایت، سلیمان ایه ریحبووام. ریحبووام  
فون ایه ایجس. ۸ ایجس ایت ایه اساف. اساف  
ایت فون ایه جهوسف. جهوسف ایت فون ایه  
جورم. جورم ایت ایه عوریا. ۹ عوریا فون ایه جوتم.  
جوتم ایت ایه فد احاص. ایت ایه حزکیا. حزکیا  
ایت ایه مناسیه. مناسیه ایت ایه فد امون. ۱۱ امون

فون ايه جوسيا. جوسيا ايت ايه جكونيا دغن اديق ۲  
 دي، فد ماس بڻسا اسرائيل ترفقسا داورغ براليه ڪي  
 ڪا نڪري بابيلون. <sup>12</sup> لفس فد دي براليه ڪي ڪا  
 نڪري بابيلون ايت، جڪونيا ايت فون ايه شيالتعل.  
 فس ايت شيالتعل ايت فون ايه فد زروبابل. <sup>13</sup>  
 زروبابل ايت فون ايه ابيود. ابيود ايت ايه علياڪيم.  
 علياڪيم فون ايه اصور. <sup>14</sup> اصور ايت فون ايه  
 صادوق. صادوق ايت فون ايه اخيم. <sup>15</sup> اخيم ايت  
 فون ايه عليود. عليود ايت ايه علياصر. علياصر ايت  
 فون ايه فد مٿان. <sup>16</sup> مٿان. ايت ايه يعقوب ايت  
 فون ايه فد يوسف، دي هق جادي تو لاکي سיתי  
مريم، مق عيسى، هق ڪيت فڻڪيل المسيح.

2. نق تان سيڪيت. چوب توليس فرڪٽان هق ڪنا دتمفت  
 ڪوسوغ دباوه اين.

1. ايات ۲ داتس ايت بري تاهو ڪات يوسف جادي ايه هق  
 عيسى المسيح، ڪا دق؟ (متيوس 1: 16)

\* جوافن: ..... ايات ايت رويت ساج ڪات يوسف جادي  
 تو لاکي هق سיתי مريم، بوڪن فق سداڪيڻ سداره هق  
 عيسى. دي جادي فق سڻڪوف هق عيسى ايڪوت اوندغ ۲  
 ڪراجان.

2. يوسف ايت جادي ڪتورون راج مشهور هق مان؟ (متيوس 1: 6)  
 \* جوافن: راج ..... سبب توله ڪيت نمفق ڪات، ايڪوت  
 اوندغ ۲ نڪري، عيسى المسيح ايت تيمبول دالم تيتيه راج  
 داود.

3. بیلاغن تو نینیق دسورت متیوس ایت، جادی بیلاغن سچارا  
داکیغ داره هق عیسی کا دق؟  
\* جوافن: ..... جادی بیلاغن هق .....

3. بچاله انجیل، سورت لوقس 3:23 - 38 دباوه این.

23 - 27 فد ماس عیسی مولا ۲ توبیت سرو خبر دي،  
عمور دي لبیه کورغ تیک فولوه تاهون. فد فیکیران  
اورغ دي جادی انق یوسف. یوسف جادی انق حیلی،  
هق جادی انق مٹات، هق جادی انق لیوی، هق جادی  
انق ملخی، هق جادی انق ینائی، هق جادی انق  
یوسف، هق جادی انق متاتیس، هق جادی انق  
اموص، هق جادی انق نحوم، هق جادی انق حسلی،  
هق جادی انق نکائی، هق جادی انق معات، هق  
جادی انق متاتیس، هق جادی انق صیمعین، هق  
جادی انق یوسیخ، هق جادی انق یودا، هق جادی انق  
یحانن، هق جادی انق ریس، هق جادی انق زروبابل  
ایت.

28 - 31 زروبابل ایت جادی انق شیا لتعلیل، هق  
جادی انق نیری، هق جادی انق ملخی، هق جادی انق  
اڈی، هق جادی انق کوسم، هق جادی انق المادم،  
هق جادی انق حیر، هق جادی انق یوشوا، هق جادی  
انق علیاصر، هق جادی انق جوریم، هق جادی انق  
مٹات، هق جادی انق لیوی، هق جادی انق صیمیون،  
هق جادی انق یهودا، هق جادی، انق یوسف هق  
جادی انق یونم، هق جادی انق علیاکیم، هق جادی انق

ميليا، هق جادي انق ميٽا، هق جادي انق متاتا، هق جادي انق نٿان، هق جادي انق راج داؤد ايت.

32 - 34 راج داؤد ايت جادي انق جسي، هق جادي انق عوبيد، هق جادي انق بواصر، هق جادي انق سلمون، هق جادي انق نهشون، هق جادي انق امينادب، هق جادي انق ادمين، هق جادي انق ارني، هق جادي انق حيصرون، هق جادي انق فيريصر، هق جادي انق يهودا، هق جادي انق يعقوب، هق جادي انق اسحاق، هق جادي انق نبي ابراهيم ايت.

35 - 38 ابراهيم ايت جادي انق تيراح، هق جادي انق ناحور، هق جادي انق سيروخ، هق جادي انق ريهو، هق جادي انق فيليك، هق جادي انق عيسر، هق جادي انق سيلاح، هق جادي انق كائينن، هق جادي انق ارفقساد، هق جادي انق شيم، هق جادي انق نبي نوح، هق جادي انق لامبخ، هق جادي انق متوسلاح، هق جادي انق حينوخ، هق جادي انق ياريد، هق جادي انق مهالليل، هق جادي انق كائينن، هق جادي انق عينوش، هق جادي انق سيٿ، هق جادي انق توادم، فس دي فون جادي انق توهن.

4. نق تان سيڪيت. چوب تولىس فرڪٽان هق كنا دتمفت  
کوسوڻ دباوه اين.

1. ايات ڪتاب داتس ايت رويت ڪات يوسف جادي انق  
سياف؟ (لوقس 3: 23-27)

\* جوافن: ..... تافي دسورت ماتيوس 16:1 ڪيت بوليه

تاهو ده کات اورغ هق نام يعقوب جادي ايه يوسف. کيت  
نق فهم لاکو مان؟

2. سسوڱکوهن، بيلاغن توئينيق دسورت لوقس اين جادي  
بيلاغن هق سיתי مريم، بيلاغن توئينيق هق عيسى سچارا  
داکيغ داره. هق سوڱکوه، سיתי مريمله هق جادي انق  
اورغ نام حيلي ايت. کالو بالس ايت، يوسف دغن حيلي  
کنا لاکو مان؟

\* جوافن: يوسف جادي انق ..... هق حيلي.

3. کيت فرهاتي کات سיתי مريم جادي کتورون راج مشهور  
هق مان؟


\* جوافن: راج .....، سروف دغن يوسف جوک.

4. بيلاغن توئينيق هق عيسى ايکوت بيلاغن يوسف ايت کليق  
کي سمفي کا نبي ابراهيم، تافي بيلاغن توئينيق هق عيسى  
المسيح سچارا داکيغ داره ايت، کليق کي سمفي کا اورغ  
هق مان؟ (لوقس 38:3)

\* جوافن: ....

5. چاريله نام اورغ ۲ دبيلاغن توئينيق عيسى المسيح هق  
کيت بيلاس دغر چريتا دي. (نام هق اد ليه دباوه)

6. فرىقسالە اتوران بىلاغن تۇن نىنىق ھق عىسى المىسىح  
سچارا رىفكس دباوہ این. فرہاتیلہ نام اورغ۲ ھق بیاس  
باچ دە چارا حال دي.



\*\*\*\*\*

تو آدم دغن سיתי حوا تاهو کا دق کات  
جورو سلامت اتوا المسيح ایت نق جادي کتورونن دي؟

\*\*\*\*\*

7. بچاله تورات، سورت کجادين 15:3 دباوه اين.

15 تو هن کات کا ابليس: اکو نق بري مو جادي  
سترو دغن اورغ بتينا، تو هن کات. کتورونن مو فون  
نق جادي سترو دغن کتورونن دي جوک. دي نق  
کاتوق کفلا مو، فس مو فون نق کتيق توميت دي.

\* کيت فهم مقصود فرکتان تو هن دالم ايات ايت بالس اين. کالو  
کفلا اولر کنا کاتوق، اولر ايت نق ماتي. دان، کالو اورغ کنا  
کتيق داولر بيسا، اورغ ايت فون سيقسا سوغکوه، بڭکالي  
سمفي ماتي جوک. معنائ، دسيني تو هن رويت بري تاهو کات  
نق اد سئورغ مائسي، کتورونن هق سיתי حوا دغن تو آدم،  
هق نق ماري برلاون دغن ابليس. اورغ ايت نق کنا سيقسا،  
اتوا ماتي فون بوليه، تافي دي نق بري مائسي سلامت درفد  
ابليس، سبب دي نق بري ابليس بناس.

\* تو آدم دغن سיתי حوا تاهو کات جورو سلامت هق تو هن  
چادغ انتوق مائسي ايت نق جادي کتورونن دي.



\*\*\*\*\*

نبي نوح تاهو كا دق كات  
جورو سلامت ايت نق جادي كترونن دي ؟

\*\*\*\*\*

8. چوب فيكير سنديريله، دان تولىس فركتائ هق كنا  
دتمفت كوسوغ دباوه اين.

1. لفس فد به بسر ايت، سيف دي هق اد لاكي دالم دنيا ؟  
\* جوافن: ..... ، بيني دي، سكالي دغن انق دي تيك  
اورغ، دان منتو دي تيك اورغ.

2. سابيت توله كيت نمفق بالس مان؟ نبي نوح تاهو كا دق  
جورو سلامت هق توهن چادغ ايت مستي كنا جادي  
كتورون هق دي؟  
\* جوافن: .....

3. دي بوليه تاهو لاکو مان؟  
\* جوافن: سبب تاءاد ..... ده.

\*\*\*\*\*

نبي ابراهيم تاهو كا دق كات  
جورو سلامت ايت نق جادي كتورونن دي ؟

\*\*\*\*\*

9. بچاله تورات، كجادين 12:1-5 دباوه اين. (فرهاتيله! نام  
اصل هق نبي ابراهيم يائيت ابرام).

1 توهن سوروه ابرام كات: مو تيغكل كيله ابرام،  
درفد تانه اير مو، ادیق برادیق مو، دغن رومه ايه  
مو، كي هادفله كا نكري هق اكو نق تنجوق كفدامو.

2 اكو نق بري كتورونن مو جادي بئسا بسر كوئ دافن.  
 اكو نق تورون رحمة اتس مو بري نام تيمبول، فس  
 اورغ لائين فول نق تريما رحمة دغن كران مو جوكن.  
 3 اكو نق اوچف سلامت  
 اتس اورغ هق اوچف سلامت اتس مو،  
 تافي اكو نق سومفه كا اورغ هق سومفه كفدامو.  
 فس سموا بئسا ددنيا نق تريما رحمة كو  
كوئ جالن مو، توهن كات.  
 4-5 ابرام فون كي، ايكوت هق توهن سوروه، فس لوط  
 كي سكالي دغن دي جوكن. تكه ايت عمور ابرام  
 توجوه فولوه ليم تاهون ده.

10. نق تان سيكيت. چوب تولىس جوافن دتمفت كوسوغ  
 دباوه اين.

1. كيت نمفق بالس مان؟ نبي ابراهيم تاهو كا دق، هق توهن  
 رويت فد ماس توئ ادم چارا حال جوړو سلامت هق مائسي؟  
 \* جوافن: .....

2. اد كا دق دايات ۲ داتس ايت، هق بوليه بري نبي ابراهيم  
 فهم كات اورغ جوړو سلامت هق سموا مائسي نق جادي  
 كتورونن دي؟ كيت نمفق لاكو مان؟ (كجادين 3:12)  
 \* جوافن: .....  
 .....

\*\*\*\*\*

نبي ابراهيم تاهو كا دق، جورو سلامت ايت  
نق تيمبول دالم كتورونن انق دي هق مان؟

\*\*\*\*\*

11. بچاله تورات، سورت كجادين 17:17-22 دباوه اين.

17 بيلا ابراهيم دغر حال ايت، دي سجود فول، تافي  
دي دوق سوک جوک، کران دي دوق فيکیر دالم  
هاتي، کان اورغ عمور سراتوس تاهون ده نق بوليه  
انق؟ فس ساره فول، بوليه دي برانق که، عمور  
سمبيلن فولوه تاهون ده؟

18 ابراهيم فون کات کا توهن: اوه، مولیقله توهن  
بري اسمعيل دوق دافن توهن نق تريما رحمة ايت !  
19 تافي توهن کات:

دق، بوکن بالس ايت. تافي بيني مو سارهله  
هق کنا برانق بوليه انق جنتن انتوق مو.  
فس مو کنا لتق نام بودق ايت اسحاق.  
دغن دپاله

اکو نق بوات فرجنجین اکو هق تنتو ايت،  
هیڤک سمفي کتورونن دي بوات سلام ۲.

20 چارا حال اسمعيل فول،  
اکو دغر ده فرمینتائن مو،  
فس اکو نق تورون رحمة اتس دي جوک،  
بري دي بوليه انق باپق.

کتورونن دي فون کهور ۲ برتيتيس کي.  
راج دوا بلس اورغ نق تورون ماري درفد دي.  
بغسا دي فون نق جادي نام تيغکي جوک.

21 تافي فرجنجين کو ايت

اکو نق بري تنتو دغن اسحاق.

22 فرياغ اين تاهون دافنله ساره نق برانق کا دي.  
بيلا توهن سوده رويت سموا فرکارا اين، دي  
فون تيغکل ابراهيم کي.

12. نق تان سيکيت. چوب توليس فرکتان هق کنا دتمفت  
کوسوغ دباوه اين.

1. کو انق نبي ابراهيم هق مان، توهن کات دي نق بري تنتو  
فرجنجين دي دغن ابراهيم ؟ (کجادين 17: 19 دان 21)  
\* جوافن: .....

\*\*\*\*\*

نبي ابراهيم تاهو ده کات  
اد کتورونن دي هق نق جادي راج ؟

\*\*\*\*\*

13. بچاله تورات، سورت کجادين 15: 17 - 16 دباوه اين.

15 فس توهن کات لاکي کا ابراهيم:  
چارا حال بيني مو سارا ي ايت،  
مو تاسه فغکيل دي سارا ي ده.

لاني مو كنا فڅكيل ساره.  
 اكو نق توروون رحمة اتس دي،  
 نق بري مو بوليه انق جنتن دغن دي جوځ.  
 اكو نق توروون رحمة اتس دي سوڅكوه،  
 دي نق جادي ايو اتس اورځ بايق بځسا،  
 راج ۲ فون نق ماري درفد دي.

16

14. نق تان سيځيت. چوب تولىس جوافن دتمفت كوسوځ  
 دباوه اين.

1. توهن رويت كا نبي ابراهيم كات دالم كتورونن دي نق اد  
 راج ۲. كيت نمفق لاكو مان؟ نبي ابراهيم تاهو كا دق،  
 كات جوړو سلامت هق توهن چادځ ايت نق جادي راج  
 جوځ؟ (كجادين 16:17)

\* جوافن: .....

• .....

2. كيت سنديري نمفق بالس مان؟ عيسى المسيح جادي جوړو  
 سلامت ساج كه، اتوا دي جادي راج جوځ كه؟ (كيت  
 جاځن لوف كات فركتان المسيح ايت معناځ «راج هق  
 توهن فيليه ايت»)

\* جوافن: .....

• .....

\*\*\*\*\*

نبي يعقوب تاهو ڪا دق ڪات  
جورو سلامت ايت نق جادي ڪتورونن دي ؟

\*\*\*\*\*

15. بچاله تورات، سورت ڪجادين 28: 13-14 دباوه اين.

13 فس (يعقوب) نمفق (دالم ميمفي) سروف توهن

دوق اد دتمفت ايت، فس توهن ڪات ڪا دي:

اڪو نيله رڻي هق دوق اتس سموا، توهن هق  
توڻ نينيق مو ابراهيم دغن اسحاق دوق سمبه.  
فس تانه هق مو دوق تيدور اين، اڪو نق بري  
جادي تانه اير مو، دغن سموا ڪتورونن مو.

14 ڪتورونن مو فون نق باق سروف دبو تانه.

تمفت هق فواق مو ايت نق ڪهور ۲ لواس، ڪوڻ  
هولو هيلير نائيڪ جاتوه. سموا بڻسا ددنيا فون  
نق تريما رحمة ڪو ڪوڻ ڪتورونن مو ايت،  
توهن ڪات.

16. نق تان سوڪيت. چوب تولىس جوافن دتمفت ڪوسوڻ  
دباوه اين.

1. ڪيت نمفق لاڪو مان؟ نبي يعقوب تاهو ڪا دق، ڪات  
جورو سلامت ايت نق جادي ڪتورونن دي ؟

\* جوافن: .....

• سبب .....

\*\*\*\*\*

يهودا، انق نبي يعقوب، تاهو کا دق کات  
کتورونن دي نق جادي جوړو سلامت ایت ؟

\*\*\*\*\*

17. بچاله تورات، سورت کجادين 10:49 دباوه این.

10 توغکت راج نق دوق دتاغن يهودا این، سهیغک  
«دي ایت» نق ماري امبيق فرینته هق جادي میلیق  
دي. فد ماس ایت، بغسا ۲ لاین فون نق ماري  
تونندوق حرمة دغن تورت فرینته دي.

18. توهن تورتون خبران دایات داتس ایت کا نبي يعقوب،  
بري دي رویت تکه نبي يعقوب دوق اوچف سلامت اتس  
انق دي يهودا. نق تاں سیکیت.

1. يهودا جادي راج فد ماس ایت کا دق؟  
\* جوافن: .....

2. يهودا بیاس جادي راج کا دق؟  
\* جوافن: .....

3. اد کا دق راج دالم انق ۲ نبي يعقوب 12 اورغ ایت؟  
\* جوافن: .....

4. کیت تاهو کا دق، اورغ مان دالم سمو انق چوچو نبي  
ابراهیم هق مولا ۲ بولیه جادي راج؟ دي نام اف، دان  
تیمبول دالم قوم هق مان دالم فواق اسرائیل؟ (بولیه باچ چارا  
حال راج ایت دالم کتاب ۲ هق نبي ۲ دولو).  
\* جوافن: راج .....، هق تیمبول دالم قوم .....

5. مولا ۲ راج ساؤل ایت دوق تورو تفرینته توهن، تافی لام ۲ دی تأسیر تورو ده. توهن فون فیلیه راج بارو درفد قوم لائین. تاهو کا دق، نام راج هق توهن فیلیه ایت؟ راج ایت، تیمبول دالم قوم هق مان؟ (بولیه باج چارا حال راج ایت دالم زبور دان کتاب ۲ هق نبی ۲ دولو).  
\* جوافن: راج ..... . قوم ..... .

19. اولاغن - (تیفوق جوک اتوران بیلاغن تو نینیق عیسی المسیح دموک 7).

1. دالم تورات توهن بری تاهو کات جورو سلامت هق توهن چادغ انتوت مائسی ایت تنتو نق جادی کتورونن تو ادم ملالوئی کو نبی نوح. کیت نمفق چرف کات دی هق نق برلاون دغن ابلیس دان بری مائسی سلامت درفد کواس ابلیس مستی کنا جادی مائسی. دان، افیل کیت باج هق توهن بری تاهو دالم انجیل چارا حال عیسی المسیح، کیت نمفق کات هق توهن چادغ ایت، سمفرن ده.

2. دالم تورات، توهن بری تاهو کات سموا بغسا ددنیا نق بولیه تریمه رحمة کو جالن نبی ابراهیم، ملالوئی کو انق دی نبی اسحاق دان چوچو دی نبی یعقوب. دالم انجیل کیت نمفق کات سمفرن ده فرجنجین توهن دغن نبی ابراهیم ایت. چرف ده، عیسی المسیح جادی کتورونن هق نبی ابراهیم سروف ایت، دان دیاله هق ماتی نق بری سلامت کا مائسی کنف ۲ بغسا ددنیا. جورو سلامت لائین فد دی فون تااد ده.



3. چارا حال جو رو سلامت هق توهن چادغ ايت نق جادي  
راج جوڪڻ، ڪيت نق مڱاجي لاکي دفلاجران دافن. تافي،  
 دسيني ڪيت بوليہ فرهاتي کات، اورغ نام يهودا، انق نبي  
 يعقوب ايت، ترماسوق دالم بيلاغڻ توؤ نينيق عيسى المسيح  
 هق اد رويت دالم انجيل. يهودا ايت فون جادي توؤ نينيق  
راج دائود (نبي دائود). تيفوق دالم سورت متيوس 2:1،  
 (موڪ 2)، دان سورت لوقس 3:32-34، (موڪ 5)، دان  
 اتوران بيلاغڻ توؤ نينيق المسيح (موڪ 7).